

Plenchi

Bèl a bati

TRINGG TRINGGG bèlèm..... TRINGG TRINGGG bèlèm.....

Nos a drenta nos último siman di skol. Awor si ta dia nos ta konta pa pasku yega. Mientras tantu falta un lus mas pa sende di advènt, pa asina nos tin ful lus. Kòrda riba esnan den nesesidat di kompania i amor. Kompartí bo mesa of bo kuminda kunan. Selebrá manera Hesus lo a selebrá, no ku luho, ni ku abundansia na paña, kuminda òf fiesta. Pero ku abundansia di amor ku bo ta parti. Ban selebrá ku amor i rèspèt pa otro.

Awe si nos ta pone e pesebre bunita di kantor di RK pa boso tambe por admirá e trabou di Carl Pieternella. Masha bunita mes e pesebre a keda, poniendo nos tur den e esfera di pasku. Nos kurason ta hubilá paso e yu ta bai nase. E ta trese speransa pa tur esnan ku tin dolor i tristesa tambe. E temporada aki ta korda nos ku nunca nos mester pèrde speransa. Un felis dianan di pasku pa bo i bo famia i un 2018 yená ku bon salú, amor, pas i prosperidat.

Orashon pa aña nobo

Éksito den nos trabou

Nos ta deklará éksito den tur nos trabounan.

Señor laga pa nos trabou ta benefisioso pa otro, ku respèt i honestidat pa nos koleganan i nos klientenan.

Señor fortifiká nos i yena nos ku kurashii.

Duna nos sabiduria pa tuma bon desishon, guiá pa Spiritu Santu.

Kita tur miedu i duda for di nos, mientras nos ta hasi e trabou ku abo a skohe pa nos.

Duna nos sabiduria i trankilidat pa tuma desishonnan den tur situashon ku presentá, pa logra pas i produktividat.

Amen.



Not'é riba bòrchi

RK MTS a tene su dia habri pa futuro studiantenan.

Djaluna 1 di desèmber RK MTS a tene su dia habri pa studiantenan di VSBO por a sera konosí ku e posibilidatnan ku RKMTS ta ofresé.

E programa a dura di 7:30 te ku 14:00 i tabata bon bishitá. Presentenan por a pasa via di un ruta fiho pa prof di e diferente sektornan, Bouw, Elektra i tambe IT. Durante e ruta por a sinti e ambiente na skol, wak e produktonan den tantu e lokalnan di práktika, komo den esnan di teoria. E studiantenan di RK MTS tabata enkargá pa duna informashon i splikashon, mientras e dosentenan tabatin un ròl di supervisá i konsehá. Riba e potrètnan boso ta haña un bista di e ambiente. A bini un total di 540 hóben na e dia habri, prosedente di mayoria skol di Korsou.





Dia habri na Regina Pacis VSBO

Futuro studiantenan di diferente skol a bishitá Regina Pacis pa asina nan sera konosí ku tur e tur e sector de Zorg&Welzijn I Economia.

Riba e potrèt un bista di e alumnonan di Regina Pacis, ta duna demostrashon di tur loke nan a siña hasi na skol. Tabata un mainta fruktifero kaminda e alumnonan eksistente a habri nan kas pa un grupo ku posiblemente lo drenta e skol na ougustus. Pabien!



Den agènda

Fakansi di skol:

21 desèmber te ku 3 yanuari.

Selebrashon

Selebrashon hubilarionan di RK i brindis di aña nobo 11 di yanuari

Mi ta konta

Tapatapa

Na skol muchanan ta konta di nan regalo ku Papa Pasku a trese pa nan. Theo ta konta ku el a haña un outo di race, un baiskel nobo, un kompiuter nobo i un olishi masha bunita mes.

Jerry a tende ku hopi asombro. Theo a bira puntra Jerry:”Abo awor kiko bo a haña?”

Jerry a kontestá: “Ami a haña un tapatapa”. Di tur forma Theo a purba pa sa kiko ta un tapatapa, pero Jerry no aduna boka.

Theo a bai kas i splika ku tata ku e tambe ke un tapatapa paso Jerry a haña esaki anto e no sa kiko e ta pero e ke esei tambe.

Depues ku dia aden dia afó Theo a keda riba e mesun kos, su tata a disidí di komplasé su yu. Dia di Theo si a aña su tata e hinke den outo pa e kumpli ku su yu stimá su deseo. Nan a yega serka Jerry i a puntre si nan por mira e tapatapa. Jerry a ninka redondamentu. Nan a keda pone preshon te ora nan a negoshá i yega na e kombenio, ku Theo lo duna Jerry tur loke el a haña di Papa Pasku en kambio pa su tapatapa. Jerry a bai di akuerdo, pero kier a haña tur e regalonan promé e entregá su úniko regalo, e tapatapa.

Despues di risibí tur e regalonan ku Theo tabatin, Jerry a bai kue su tapatapa.

Un ròl di papel di wc. E tata tabata furioso, e di: “Ta kiko esaki, ta un fòl di karton bo ta yama tapatapa?”

Jerry a kue e ròl poné na su boka i a kuminsá kanta,: “Tapatapa, tapatapa, ta ta tapatapa, ta ta, tapatapa.” Mientras e tabata kanta e tabata baila riba e ritmo ku hopi zjeitu.

Asina Theo i su tata a haña un lès si nan bida. Nan a mira e kontraste entre kreativitat i skarsedat un banda i ekseso i eksigenisa otro banda. Nan a laga Jerry keda ku tur kos ku nan a duné i a disidí ku tur otro dianan di fiesta, Jerry lo ta huespet serka nan. Nan a adoptá Jerry i su famia. Paso e simplisa ta loke nan yu por siña di dje, mienstras Jerry por biba poko mas kómodo.

Mucha djispou

Hues a kai sinta riba su stul ku un kurason yen di legria, ta su ultimo kaso pa e aña promé ku pasku. El a bin desidido pa ta suave den su sentensia, mirando e temporada.

Hues a puntra Donny: “Mener bon dia, i bon bini. Mi por ofresebu un kòfi?”

Mesora señor hues a pidi i bewaker pa bai kumpra un kòfi pa regalá su kandidato.

Hues: “Splikami, pakiko mener ta aki?”

Donny: “Nan ta kulpami di kumpra mi kosnan di pasku delantá.”

Hues: “Kon por ta ku bo ta akusá di hasi bo kompras delantá?”

Donny: “Paso e pakus no a habri ainda, ma pensa mi ta drenta promé i piki mi kosnan sin problema.”

